

समां - 12:25 hrs.

Shah –Counter Terrorism

गृहमंत्री अमित शाह हो'रें मुख्य भरै च आतंकवाद रोधी दस्ते ए.टी.एस दा इक एकीकृत ढांचा तयार करने दा आह्वान कीता ऐ ते राज्यें दे पुलस महानिदेशकें गी निर्देश दिते न जे ओह इसी तौले शा तौले लागू करन। उ'नें आखेया जे इके जनेही ए.टी.एस. प्रणाली सब्बनैं स्तरें पर आतंकवाद दे खतरे कन्नै निब्बड़ने लेई तयारियें गी बधाग। शाह हो'र नमीं दिल्ली च राष्ट्रीय जांच एजेंसी आस्सेया आयोजित दो-रोजा आतंकवाद रोधी सम्मेलन -2025 दा उदघाटन करने मगरा बोला'रदे हे। उ'नें पहलगाम आतंकी हमले ते दिल्ली बम धमाके दे मामलें दी जांच गी पूरी चाल्ली चौकस पुलस बवस्था दी मिसाल दस्सदे होई एदी सराहना कीती। गृहमंत्री हो'रें आखेया जे सुरक्षाबलें आपरेशन सिंदूर राएं आतंकी योजनाकारें गी कामयाबी कन्नै सजा दिती ते आपरेशन "महादवे" तैहत हमलावरें गी बे'असर करी दिता। उ'नें समूलचे आतंकी नैटवर्क गी असरदार ढंगै कन्नै खत्म करने लेई जम्मू-कश्मीर पुलस ते होरनें एजेंसियें दी बी सराहना कीती।

<> <> <> <> <> <>

Railways Spl Train

उत्तर रेलवे दे जम्मू डिवीजन नै नमैं बरे दे मौके पर यात्रियें दे रश दे प्रबंधन लेई नमीं दिल्ली ते श्री माता वैष्णो देवी कटड़ा बश्कार बशेश आरक्षित रेल सेवा दा ऐलान कीता ऐ। आकाशवाणी दे जम्मू संवाददाता दी रिपोर्ट मूजब 16 डब्बे आली एह बशेश रेल गड्डियां-श्रदालुएं ते सैलानियें लेई अज्जै थमां शुरु होइयै- पैहली जनवरी 2026 तगर अपनियां सेवां देगंन। ट्रेन नम्बर 04081 नमीं दिल्ली थमां कटड़ा ते ट्रेन नम्बर 04082 कटड़ा थमां नमीं दिल्ली लेई चलोग। एह रेलगड्डियां सब्बनैं बड्डे स्टेशनैं पर रुकगंन। रेलवे दे अधिकारियें मूजब इस बशेश रेल सेवा दे कन्नै नमैं बरे दे मौके पर यात्रियें दे भारी रश दे प्रबंधन च बडी मदाद थहोग।

<><><><><><>

Dastaan-e-Mic

जम्मू दे डिवीजनल कमीशनर रमेश कुमार होरें जम्मू दे बाहु प्लाज़ा इलाके च युवा सेवाएं ते खेड्डें सरबंधी निदेशालय पास्सेया युवाएं लेई आयोजित “दास्तान-ए-माईक” नाऽ दे कार्यक्रमें च हिस्सा लैता। इस मौके पर उ’नें नौजवानें दा आहवान कीता जे ओह अपनी ऊर्जा गी खेड्डें- साहित्य ते कला दे खेतर च इस्तमाल करन तां’जे ओह समाजी बुराइयें थमां दूर रौहदे होई सेहतमंद जीन जीऽ सकन। कार्यक्रम दे दरान युवा कलाकारें शायरी-संगीत ते कहानी सनाने दी कला दा बड़े बधिया ढंगै’नै प्रदर्शन कीता। इस मौके पर बोलदे होई डिवीजनल कमीशनर होरें नौजवानें दा दिल बधाने लेई इस चाल्ली दे होर नमें किस्में दे कार्यक्रमें दे आयोजन दी जरूरतें पर जोर पाया।

<><><><><><>

Jasrota Eco-Sensitive Zone

कठुआ दे डिप्टी कमीशनर राजेश शर्मा हुंदी प्रधानता तैहत कठुआ दे पर्यावरण दे लेहाज़ कन्नै संवेदनशील जसरोटा Wild Life Sanctuary लेई ज़ोनल मास्ट प्लान दे मसौदे पर चर्चा लेई कल इक बैठक दा आयोजन कीता गया। इस योजना तैहत जसरोटा Wild Life Sanctuary दे संरक्षण ते टिकाऊ विकास लेई 10एं बरे दी इक रुपरेखा दा प्रस्ताऽ ऐ। ज़मीनी सर्वेक्षण ते मकामी लोकें दे सलाह-मशवरें कन्नै तयार कीते गेदे इस मसौदे च बक्ख-बक्ख गतिविधियें गी श्रेणीबद्ध कीता गेदा ऐ। एहदे च जैविक बन्न-सबन्नता दे संरक्षण- मनुक्खें ते जंगली जनोरें बश्कार झड़फ़ें गी रोकने ते पर्यावरण दे मुआफक सैलसफे दे बाददे-विकास लेई हीलें गी शामिल कीता गेदा ऐ। डिप्टी कमीशनर होरें सरबंधत विभागें गी निर्देश दिता ऐ जे ओह खीरी मंजूरी शा पैहले 10एं दिनें दे अंदर-अंदर मशवरे जमा करोआई देन।

<><><><><><>

Roll Ball C’ship

17मीं जूनियर रोल बॉल राश्ट्रीय चैम्पियनशीप 29 दिसम्बर 2025 थमां जम्मू दे एम.ए. स्टेडियम च शुरू होआ’रदी ऐ। एह प्रतियोगितां पैहली जनवरी 2026 तगर चलोग ते एहदे च 26 राज्यें ते केन्द्र शासित प्रदेशों दे तकरबीन 600 खडारी ते अधिकारी हिस्सा लैंगन।

राष्ट्रीय स्तर दे इस आयोजन कन्नै नौजवानें च रोल बॉल गी बढ़ावा थहोग। आयोजकें दस्सेया ऐ जे एह चैम्पियनशीप बड्डे खेड्ड आयोजन दे केन्द्र दे तौर पर जम्मू दी बधदी छवि गी दर्शादी ऐ।

<><><><><><>

Jammu Marathon

जम्मू-कश्मीर पुलिस अपने सिविक एक्शन प्रोग्राम दे इक हिस्से दे तौरा पर कल गुलशन ग्राउंड च “रन फॉर यूनिटी जम्मू मैराथन-2025” दा आयोजन करा’रदी ऐ। मैराथन च मुफ्त पंजीकरण- टी-शर्ट- जलपान- सांस्कृतिक कार्यक्रम ते रैफल ड्रा शामिल न। मर्दे- औरतें- जूनियर साबका फौजी ते वरिष्ठ नागरिकें सन हरे बरेसु दे प्रतिभागियें आस्तै दस श्रेणियां बनाई गेदियां न। बक्ख-बक्ख श्रेणियें आस्तै कुल 4 लक्ख 70 जहार रपें दी ईनामी रकम रखी गेदी ऐ- जेहदे चा 50 जहार तगर दा शीर्ष ईनाम दिता जाहग। नागरिकें गी इस प्रमुख खेड्ड आयोजन च हिस्सा लैने आस्तै साददा दिता जंदा ऐ।

<><><><><><>

Weather

मौसम विभाग नै जम्मू-कश्मीर च 29 दिसम्बर तोड़ी आंशिक तौरा पर बदल छाए दे रौहने दी पेशगोई कीती ऐ। 30 दिसम्बर गी बक्ख-बक्ख थहारें च हौली बरखा ते बर्फबारी होने दी मेद ऐ- 31 दिसम्बर ते पैहली जनवरी गी बी हौली बरखा ते बर्फबारी होने दे असार न। इससँ दौरान जम्मू शहरा दा तापमान डिग्री सैलसियस दर्ज कीता गया ऐ।

<><><><><><>